

UNIVERSITI SAINS MALAYSIA

Peperiksaan Semester Kedua
Sidang 1988/89

Mac/April 1989

FPT 125 Mikrobiologi Am

Masa : (3 jam)

Kertas ini mengandungi ENAM soalan.

Jawap LIMA (5) soalan sahaja.

Soalan 1 adalah wajib dan mesti dijawab di atas skrip yang disediakan.

Semua soalan mesti dijawab di dalam Bahasa Malaysia.

. . 2 / -

ANGKA GILIRAN: _____

1. Soalan Pilihan Berganda. Jawab semua soalan dengan menandakan (✓) ruang yang dikhaskan bertentangan dengan jawapan atau pernyataan yang BETUL ATAU PALING SESUAI bagi sesuatu soalan. Hanya SATU jawapan/pernyataan sahaja yang betul atau paling sesuai bagi tiap-tiap soalan. Sebahagian markah akan ditolak bagi jawapan yang salah.

(A) Yang mana di antara pernyataan-pernyataan berikut adalah TIDAK BENAR?

- (a) Bagi setengah-setengah bakteria, fimbria digunakan untuk mendapatkan makanan daripada permukaan tisu dan haiwan.
- (b) Mesosom merupakan struktur yang mempunyai peranan di dalam pembahagian bahan nukleus sesuatu bakteria.
- (c) Kuasa pembeza jelasan sesuatu mikroskop dikatakan semakin meningkat sekiranya panjang gelombang cahaya yang digunakan semakin pendek.
- (d) Mikroskop medan gelap biasanya digunakan untuk melihat isi kandungan organisme di dalam bentuk asli.

ANGKA GILIRAN: _____

(B) Di dalam membuat perhitungan bakteria,

- (i) Kaedah 'Bilangan Paling Mungkin' tidak boleh digunakan untuk sampel yang terlalu tercemar.
 - (ii) Kaedah piring sebaran tidak sesuai untuk menghitung organisma anaerob.
 - (iii) Bilangan koloni yang terhasil sangat-sangat bergantung kepada kadar pertumbuhan organisma.
 - (iv) Bilangan organisma dalam sampel ais krim boleh diketahui melalui kaedah piring tuang.
- (a) (i) dan (iii)
.... (b) (ii), (iii) dan (iv)
.... (c) (i), (ii) dan (iv)
.... (d) Semua jawapan di atas adalah BENAR.

(C) Pernyataan-pernyataan di bawah ini adalah benar KECUALI,

- (a) Asid nitrous bertindak sebagai mutagen dengan mengubah bentuk bes DNA secara langsung.
- (b) Setiap rantai DNA mempunyai tulang belakang yang terdiri daripada fosfat dan bes yang disusun berselang-seli.
- (c) Plasmid yang mempunyai gen kromosom di samping gennya sendiri dipanggil F'.
- (d) Dalam proses lisogeni, gabungan profaj ke dalam kromosom tidak semestinya berlaku.

ANGKA GILIRAN: _____

(D) Phycomycetes ialah suatu kelas kulat yang

- (i) mempunyai hifa berseptum
 - (ii) menghasilkan zigospora melalui pembiakan secara mengawan
 - (iii) meliputi sel-sel ragi seperti Candida albicans
 - (iv) menghasilkan sporangiospora secara tidak mengawan
- (a) (i) sahaja
- (b) (ii) dan (iv)
- (c) (i) dan (iii)
- (d) (i), (ii) dan (iii)

ANGKA GILIRAN: _____

(E) Yang mana di antara pernyataan-pernyataan berikut adalah BENAR?

- (i) Clostridium tetani boleh memasuki tubuh badan manusia melalui luka yang khususnya dikontaminasi dengan tanah.
 - (ii) Staphylococcus dianggap penting kerana ia bukan sahaja boleh menyebabkan jangkitan yang merbahaya tetapi juga wujud sebagai komensal.
 - (iii) Setengah-setengah organisma virulen menghasilkan enzim hialuronidase dengan tujuan menyebarkan jangkitan dengan lebih mudah lagi.
 - (iv) Staphylococcus aureus boleh dikulturkan di atas medium yang mengandungi kepekatan garam yang tinggi.
- (a) (iii) dan (iv)
 (b) (i), (ii) dan (iv)
 (c) (ii) dan (iii)
 (d) semua jawapan di atas adalah BENAR.

(F) Salah satu daripada pernyataan-pernyataan di bawah ini adalah TIDAK BENAR.

Pseudomonas aeruginosa ialah sejenis organisma yang

- (a) berbentuk rod dan motil
- (b) boleh menyebabkan keracunan makanan
- (c) penting kerana sifatnya yang rintang terhadap berbagai jenis antibiotik
- (d) mudah dikulturkan di dalam makmal.

ANGKA GILIRAN: _____

(G) Spesies Proteus dikenali melalui sifatnya yang

- (i) sangat motil
 - (ii) menapai laktosa atas medium Mac Conkey
 - (iii) mudah menghidrolisiskan urea dalam masa beberapa jam
 - (iv) menghasilkan pigmen biru-kehijauan
- (a) (ii) dan (iv)
.... (b) (i) dan (iii)
.... (c) (i), (ii) dan (iii)
.... (d) (ii) dan (iii)

(H) Pernyataan-pernyataan di bawah ini adalah benar
KECUALI

- (a) Dalam pewarnaan Ziehl-Neelsen, organisma yang luntur asid akan berwarna biru.
- (b) Kaedah pewarnaan negatif boleh digunakan untuk melihat saiz dan bentuk organisma.
- (c) Dalam pewarnaan Gram, sekiranya langkah ke 2 (membanjirkan lumuran dengan iodin) ditinggalkan, organisma berkenaan akan kelihatan berwarna biru.
- (d) Dalam kaedah pewarnaan biasa, pewarna yang digunakan untuk mewarnakan bakteria ialah pewarna berbes.

ANGKA GILIRAN: _____

- (I) Di dalam usaha menghasilkan udara yang bersih di dalam bilik aseptik menggunakan bahan kimia,
- (i) Tindakannya didapati kurang berkesan sekiranya bahan kimia yang mempunyai tekanan wap yang rendah digunakan.
 - (ii) Glikol lebih sesuai digunakan kerana ia boleh menghapuskan bakteria dan juga virus.
 - (iii) Natrium hipoklorit amat sesuai digunakan kerana ia boleh tahan lama di udara untuk menghapuskan mikroorganisma.
 - (iv) Kelembapan partikel debu yang membawa bakteria perlu diambilkira.
- (a) (ii), (iii) dan (iv)
.... (b) (i) dan (iii)
.... (c) (ii) dan (iv)
.... (d) (i), (ii) dan (iv)

(J) Yang mana di antara pernyataan-pernyataan berikut mengenai virus adalah BENAR?

- (i) Setengah-setengah virus mempunyai penyalut tambahan (envelope) yang terdiri daripada lipid, protein dan karbohidrat.
- (ii) Virus Herpes simplex ialah sejenis virus yang berbentuk polihedron dan mempunyai penyalut tambahan.
- (iii) Pengesanan virus pada membran korio alantoin boleh dibuat melalui perhitungan plak.
- (iv) Virus influenza boleh dikulturkan pada bendalir alantoin di dalam telur.

ANGKA GILIRAN: _____

- (a) (i), (ii) dan (iv)
- (b) (i) dan (ii)
- (c) (ii), (iii) dan (iv)
- (d) Semua jawapan di atas adalah BENAR.

(K) Kimoautotrof merujuk kepada kumpulan

- (a) mikroorganisma yang memerlukan CO_2 sebagai sumber tenaga dan karbon
- (b) bakteria yang mendapatkan sumber tenaganya melalui pengoksidaan bahan bukan organik dan menggunakan CO_2 sebagai punca karbon utamanya.
- (c) mikroorganisma yang mendapatkan sumber tenaganya melalui pengoksidaan bahan organik.
- (d) bakteria bersulfur yang melakukan pengoksidaan bahan organik untuk mendapatkan keperluan tenaganya.

ANGKA GILIRAN: _____

(L) Salah satu daripada pernyataan-pernyataan berikut adalah TIDAK BENAR.

- (a) Purata masa generasi sesuatu kultur mungkin ditentukan oleh suhu pengerasaman yang digunakan.
- (b) Kadar pembiakan sesuatu kultur hanya ditentukan oleh jenis pemakanan yang digunakan dalam medium.
- (c) Kebanyakan psikofil fakultatif mempunyai suhu pembiakan optimum di antara $25 - 30^{\circ}\text{C}$.
- (d) Halofil merupakan mikroorganisma yang dapat membiak dalam medium yang ditambahkan dengan 20% garam.

(M) Suatu kultur bakteria yang menjalani fasa log menunjukkan perhitungan plat 4.1×10^4 sel/ml dan 60 minit kemudian, masih dalam fasa log dan menunjukkan perhitungan plat 6.5×10^5 sel/ml. Apakah purata masa generasinya?

- (a) 15.0 minit
- (b) 20.0 minit
- (c) 25.0 minit
- (d) 30.0 minit

(N) Asid tioglikat digunakan dalam medium Brewer untuk

- (a) menurunkan pH medium
- (b) membekalkan sumber karbon
- (c) membekalkan keperluan oksigen
- (d) membekalkan bahan penurunan tertentu

ANGKA GILIRAN: _____

- (O) Yang mana di antara proses-proses pengoksidaan substrat berikut menggunakan bahan bukan organik sebagai penerima hidrogen?
- (a) Penapaian
.... (b) Glikolisis
.... (c) Lintasan fosfat pentosa
.... (d) Pernafasan anaerobik
- (P) Salah satu daripada pernyataan-pernyataan berikut adalah TIDAK BENAR.
- (a) B-galaktosidase yang dihasilkan oleh E. coli untuk memecahkan laktosa ke glukosa dan galaktosa merupakan sejenis enzim teraruh.
- (b) Mengikut teori operon, aktiviti gen operator dikawalkan oleh gen pengawal melalui bahan represor.
- (c) Bakteria homolatik menghasilkan asid laktik, asid asetik, asid suksinik dan asid formik sebagai bahan utama dalam penapaian yang dilakukan melalui Lintasan Embden-Meyerhof.
- (d) Fosforilasi paras-substrat merujuk kepada proses penderma fosfat daripada bahan perantaraan bertenaga tinggi kepada adenosina difosfat.

ANGKA GILIRAN: _____

(Q) Enzim konstitutif merupakan enzim yang

- (a) dihasilkan oleh mikroorganisma apabila substrat-substrat tertentu wujud dalam medium
- (b) digunakan untuk proses penapaian
- (c) digunakan untuk pengangkutan nutrien ke dalam sel.
- (d) tidak ada jawapan di atas yang betul

(R) Salah satu daripada pernyataan-pernyataan berikut adalah TIDAK BENAR.

- (a) Penunjuk biologi yang digunakan untuk kawalan proses pengautoklafan adalah terdiri daripada spora-spora Bacillus stearothermophilus.
- (b) Kuasa penembusan bagi elektron tercepatkan (accelerated electrons) yang dihasilkan oleh akselerator Van de Graaff adalah terhad berbanding dengan sinaran- δ yang diperolehi daripada ^{60}Co .
- (c) Penuras gred 5 dilapiskan atas gred 3 adalah bertujuan untuk menghasilkan suatu penuras yang mempunyai kadar aliran tinggi.
- (d) Etilena oksida ditambahkan dengan trikloroflurometana adalah bertujuan untuk mengelakkan letupan.

ANGKA GILIRAN: _____

(S) Salah satu daripada pernyataan-pernyataan berikut adalah TIDAK BENAR.

- (a) Ujian urease selalunya digunakan untuk membezakan Proteus spp. daripada bakteria koliform lain.
- (b) Organisma-organisma yang dapat membiak dalam suatu medium yang terdiri daripada garam-garam galian dengan garam ammonium sebagai sumber nitrogen dan suatu monosakarida sebagai sumber karbon tunggal dirujukkan sebagai auksotrof (auxotroph).
- (c) Salah satu kelemahan formaldehid sebagai gas di dalam proses pensterilan ialah kerana ia terlalu senang ditakaktifkan oleh bahan-bahan organik.
- (d) Proses menapis merupakan mekanisme yang terlibat dalam pensterilan penuras skrin.

(T) Ujian Voges-Proskauer merupakan satu ujian yang menunjukkan penghasilan satu daripada bahan-bahan berikut selepas inkubasi

- (a) indol
- (b) asid piruvik
- (c) asid laktik
- (d) asetoin

(20 markah)

2. (A) Apakah yang dimaksudkan dengan sifat invasif bagi sesuatu bakteria? Huraikan dengan jelas bagaimana sifat invasif boleh meningkatkan kepatogenan bakteria.

(15 markah)

(B) Tuliskan nota tentang perkara-perkara di bawah ini.

- (i) mesosom
- (ii) granul metakromatik

(5 markah)

3. Apakah yang anda faham tentang plasmid? Dengan bersertakan contoh-contoh plasmid tertentu, huraikan dengan jelas tentang peranan plasmid di dalam proses pemindahan gen.

(20 markah)

4. (A) Kecekapan sesuatu penuras boleh ditentukan melalui ujian metilena biru. Bincangkan.

(10 markah)

(B) Bincangkan secara ringkas faktor-faktor yang boleh mempengaruhi kecekapan kaedah pensterilan etilena oksida.

(10 markah)

5. Bezakan pasangan-pasangan berikut:

- (i) stim tepu dan stim terlampau panas
- (ii) pengangkutan aktif dan translokasi bersekumpulan

(20 markah)

6. Bincangkan secara ringkas kaedah-kaedah biasa yang digunakan untuk mengenal bakteria.

(20 markah)

-ooooo0000oooo-